

Juan 15

15.

1. Ami ta e berdaderu palu di binja y mi Tata ta e vitó,
2. Rama den Mi ku no ta duna fruta, E ta kita i tur ku duna fruta, esei E ta limpia pe duna mas fruta.
3. Ja bosonan ta limpi pe palabra ku Mi kier papia ku boso,
4. Keda den Mi i Ami den boso. Meskos ku e rama no por duna fruta di dje mes, si e no keda den e palu di biña, tampoko boso, si boso no keda den Mi.
5. Ami ta e palu di biña i boso e ramanan: es ku keda den Mi i Ami den dje, esei ta duna hopi fruta, pasoba sin Mi nada boso no por hasi.
6. Si algun no keda den Mi, esei lo wordu tira afo meskos ku e rama i lo e seka i nan ta kohé nan i tira nan den kandela i kima nan.
7. Si boso keda den Mi i Mi palabra keda den boso, anto tur loke boso ke pidi, lo boso haña.
8. Den esaki Mi Tata ta glorifika ku boso duna hopi fruta i lo boso ta Mi disipelnan.
9. Manera e Tata a stima Mi, Mi a stima boso: keda den Mi amor.
10. Si boso warda Mi mandamentunan, lo boso keda den Mi amor, dje manera ku Mi a warda e mandamentunan di Mi Tata i keda den su amor.
11. E kosnan aki Mi a papia ku boso pa Mi alegria sea den boso i boso alegria sea kompletu.
12. Esaki ta Mi mandamentu, pa boso stima otro meskos ku Mi a stima boso.
13. Ningun hende tin mas amor ku esun ku ta duna su bida pa su amigunan.
14. Boso ta Mi amigo, si boso hasi loke Mi manda boso.
15. Mi no ta jama boso sirbido mas, pasoba un sirbido no sa kiko su Señor ta hasi, ma Mi a jama boso amigo, pasoba tur kos ku Mi tende di Mi Tata Mi a siña boso.

16. Boso no a skoge Mi, Ami a skoge boso i Mi a pone boso ku boso lo bai i duna fruta, i boso fruta lo keda, pa tur loke boso pidi e Tata den Mi nomber, E duna boso.

17. Esaki anto ta loke Mi ta manda boso hasi: stima otro.

### Mundu lo odia boso

18. Si mundu aborese boso, sabi anto ku el a aborese Mi prome ku boso.

19. Si boso tawata di mundu, anto mundu lo a stima loke ta di dje, ma pasoba ku boso no ta di mundu, ma Mi a skohe boso foí mundu, pesei mundu ta aborese boso.

20. Korda dje palaba ku Mi a bisa boso: Un sirbido no ta mas ku su Señor. Si nan a persiguí Mi, boso tambe nan lo persiguí; sin nan a warda Mi palabra, nan lo warda tambe di boso.

21. Ma tur esaki nan lo hasi ku boso pa kausa di Mi nomber, pasoba nan no konose Esun ku a manda Mi.

22. Si Mi no a bini i papia ku nan, nan no tawatin pika, awo nan no tin dispensa pa nan pika.

23. Esun ku aborese Mi, tambe ta aborese Tata.

24. Si Mi no a hasi e obranan den nan, kwa ningun otro a hasi, lo nan no tawatin ningun pika, ma awo nan a mira nan i aborese Mi i Mi Tata.

25. Ma esaki ta sosede pé palabra, ku ta skirbi den nan ley, wordu kumpli: Sin motibu nan a aborese Mi.

26. Ma ora e konsolador bini, ku Mi lo manda boso dje tata esdisir e Spirito di berdad ku a sali foí e Tata, E lo duna testimonio di Mi.

27. I boso tambe lo duna testimonio, pasoba desde prinsipio boso tabata ku Mi.